



# NUPELA MANI STAT NAU



Long 19 Epril Kina na Toea i kamap mani bilong apua Niugini olsem na ol i kolim em "K" De. Yu en painim moa toktok bilong mani i kam stret ong ofis bilong Fainens Minista, Mista Julius han, long pes 13 na tu long las pes bilong dis-

pela niuspepa. Long planti ples ol ofisa bilong gavman i bin raun na soim ol nupela mani long ol pipel. Olgeta beng tu i soim long ol. Mani bilong yumi i smat moa. Ol arapela kantri i ken lukim namba wan taim nau. Yumi amamas long en.



# PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

## TAIM BILONG WOA

Dia Edita.- Mi laik bekim pas bilong Feros Nauapa bilong D.T.P. Skul.

Yes wantok Feros. Mi bin lukim pas bilong yu long Februari. Yu bin tok olsem: Mi no klia tuma long taim bilong woa ol samting i kamap, olsem wanem? Brata yu bin skul long wanem tok ples. Inglis, Kate, o Jemen? Yu bin skul long Kate, orait yu baim buk ol i kolim Fua Ngeing na bai yu klia long kamap bilong woa.

Wantok nau mitupela i lukim tok bilong God em i samting nating. Na mitupela i tok pilai nabaut long en. Tru bi-po papamama na tumbuna bilong mitupela ol i bilip tru. Na dispela taim nogut ol i holimpas tok bilong God na ol i hait nabaut long hul bilong ston na diwai na ol maunten. Ol i no lusim lotu o skul. Ol i stap wantaim na samting nogut i no daunim ol.

I.M. Rikays Nowatuou.

## MAUSWARA TRU

Dia Edita.- Mi save harim long redio na lukim long niuspepa na mi save wari tru long dispela tok. Tingting bilong mi i olsem:

Mi ting Josephine Abaijah i laik bagarapim Papua Niugini. Papua Niugini i gat wanpela gavman, wanpela tingting na wanpela plak tasol.

Mis Abaijah i laik mekim em i kamap bikpela long dispela kantri.

Tasol bai wara i wasim em. Gavman bilong Australia i no laikim dispela tingting bilong em. Sampela lida bilong Haus ov Asembli i no laik na planti bilong ol Papua tu i no laikim dispela tingting bilong em. Ating God tu i no laik.

Wanem ol Papua i no laikim dispela tingting bilong em i mas kam na bung wantaim Niugini na kirapim wanpela bikpela kantri bilong yumi long nem bilong PNG.

Husat i ting mi giaman, rait tasol i go long Wantok Niuspepa.

Maya Michael,  
Lae.

## NO HELPIM SKUL

Dia Edita.- Nau mi laik mekim liklik tok tok long Minista bilong Edukesen, Dokta Reuben Taureka. Em i no save raun long sampela distrik na lukim Tok Ples Skul na tu em i no save salim mani liklik long dispela skul.

Yes mi bin harim long redio olsem: Tok pisin em i tok ples bilong kantri bilong yumi. Taim ol man i kot, ol i tok tok tasol long tok pisin.

Yes long olgeta hap bilong graun ol manmeri i skul long tok ples bilong ol yet. Na skul long tok ples bilong ol arapela kantri tu. Olsem na yumi skul long tok inglis, tasol yumi i no skul long tok ples bilong yumi stret. Tok inglis em i tok ples bilong ol arapela kantri.

Yes mi ting Luteran Misin i mekim gutpela wok. Bilong wanem? Ol misinari i kirapim wanpela skul, na ol i givim nem long dispela skul Elcong Tok Ples Skul. Long dispela skul mipela i no skul long tok inglis. Nogat. Long tok pisin tasol.

Dispela kain skul i kamap long 5-pela distrik pinis. Em long Lae, Madang, Goroka, Chimbu na Mt. Hagen. Olsem na Dokta Taureka i mas traim long givim sampe-la helpim na salim mani long ol dispela skul.

Em tasol long liklik toktok bilong mi.

Daniel Tinga,  
Elcong Tok Ples Skul,  
Mt. Hagen.



## SAMTING GAT PE

Dia Edita.- Long Kris-mas mi bin go stap long ples na mi lukim wanpela pasin nogut i kamap long ol studen bilong koles na yunivesiti. Dispela ol sumatin bilong Banz ol i tok ol waitman ol i kam long ples bilong mipela na ol i wokim bisnis na apim ol prais bilong ol samting ol i salim long en.

Na bihain ol i go dring bia na i kam pait-

im ol stua kipa na kisim ol samting long lail bilong ol. Na tu paitin ol misis bilong sain, em ol i wok long dispela stua.

Mi ting yupela ol dispela lain i no gat tingting tru. Long wanem yumi save ol samting i kostim mani. Ol waitman ol i kisim samting long sampela hap, ol no kisim nating. Samting i gat pe bilong em. Na ol i baim tasol ol no inap long karim olgeta samting long bak-sait bilong ol. Ol baim bensin bilong ka o balus long karim ol kago bilong ol. Olsem na yumi save ol i lail kisim olgeta mani ol yusim long kago na long bensin bilong ka na balus. Na tingting tu long wokim profit na ol i apim prais. Olsem na m toksave long yupela o saveman. No ken tin samting i kam natin long arapela kantri Nogat. Olgeta samting gat pe bilong ol.

Yupela i gat bikpel save. Tasol yupela i tingting o yusim sav bilong yupela. Olsem r yupela i no ken meki ol dispela kain pasi moa. Em tasol. Tenkyu R. Kaman Banzinga, Asaroka Haiskul/E.H.D

## SAPOS OL I GO

Dia Edita.- Mi i ga liklik stori. Mipela o man bilong Niugini biy mipela i stap long ra bis pasin bilong tumbu na. Tasol nau ol misin ari i kam wantaim gavman bilong Australia n mipela i go long sku na kisim save long ri na rait long tok pisin na tok inglis.

Na sapos mipela i bihainim pasin bilong o

umbuna bihain bai mipela i stap olsem wanem? Bai mipela i stap olsem mau mipela i stap o no-rat?

Mi harim sampela man tok. Bai ol misinari lusim Niugini na i go bek long Amerika o Australia. Sapos ol i go bek bai mipela i stap long pasin bilong tumuna na i no gutpela umas.

Peter K.,  
Henganofi/E.H.D.

## BAIM RONG

Dia Edita.- Mi save lukim ol manmeri i kolim olpela lo oltaim. Na u ol i save takis long

rong bilong ol o baim rong long mani.

Yes ol brata mi laik save long dispela mani i kam we? Na ol i baim rong long en? Na tu ol i givim kaikai long ol man i dai long matmat. Bai ol i kirap na kaikai? Dispela tingting i stap long hap bilong Pomio.

Luke Lupa Holo,  
Pomio/E.N.B.D.

## MEMBA RITIM

Dia Edita.- Hia nau mi laik autim ol sampe-la wari bilong mi long Wantok Niuspepa bilong yumi. Hia nau ol wari bilong mi: Mi tok long

# TU MINIT TINGTING

## TRAIM BILONG SETEN

*"Tasol nau bilong liklik taim tasol, sapos God i laik, bai kain kain traim i givim pen long yupela. Long dispela pasin God i save traim bilip bilong yupela." (1 Pita 1, 6.)*

Long Baibel yumi rit olsem wanem Seten i bin kam na traim Jisas bihain em i no kaikai inap long 40 de na em i hangre pinis.

I no gat man i stap lukim Seten i traim Jisas, na olsem wanem yumi save long dispela samting? Ating Jisas yet i bin tokim Matyu long en; o em i bin tokim ol disaipel.

Em i laik soim ol, em i man tru; i no God tasol. Na em i save, traim em i wanem samting.

Sapos Seten i traim yu, em i no min yu man o meri nogut. Jisas i gutpela tumas, na Seten i kam traim em. Traim em i min, Seten i no hukim yu yet. Yu no bilong em. Nogat.

Wanpela liklik skul bilong taim bilong traim em hia: Jisas i bin autim long ol disaipel ol traim bilong em. Yumi tu i ken kisim gutpela helpim sapos yumi mekim wankain.

Traim em i olsem ol liklik binatang na snek samting i hait aninit long ol ston long ples tudak. Sapos yumi litimapim ston, wantu ol i ranawe i go. Ol i pret long tulait.

Seten na ol traim bilong em tu i pret long tulait. Sapos yumi gat gutpela pren o pris o pasto o katekis samting, yumi ken go long em na autim long em ol traim bilong yumi. Seten i no laikim dispela samting na traim bilong en i save lusim strong olsem tasol.

Seten i laik yumi mas haitim ol traim bilong yumi; nogut yumi sem long ai bilong arapela man. Tasol Jisas i autim traim bilong em yet bilong soim rot long yumi...

ol sampela memba bilong Hailans. Mipela i lukim olsem, ol memba i no tingting long kirapim nupela kantri i go het. Nogat tru.

Tingting bilong ol, mipela i lukim i go pas tru long maritim 4-pela meri na 5-pela meri samting olsem, na kirapim tret stua. Na ol yet tingting long apim nem bilong ol i go antap tru.

Plis yupela lukim ol kiap bilong bipo i gat stua na namba tu meri tu o nogat? Yupela ol memba i wanwok bilong kiap, orait, plis tingting liklik.

Olaman. Yupela i no tingting long nupela kantri bilong yumi na sindaun bilong ol pipel. Husat bai stiaim ol pipel na kantri long kamap strong na ran gut? Em i wok bilong yupela ol memba tasol. Husat i belhat, "orait, rait tasol i go long Wantok Niuspepa na bekim pas bilong mi. Tenkyu.

Mathew Yangala,  
Erave/S.H.D.

## DRING LONG ROT

Dia Edita.- Nau mi laik autim wari bilong mi. Tingting bilong mi i go olsem:

Mi lukim wanpela samting i no stret long ai bilong mi. Sampela man i save go long hotel na taim ol i baim botol bia pinis ol i no save sindaun stret insait long hotel na dring. Nogat. Ol i save holim ol na wokabaut long rot na dring.

Mi bin harim olsem ol plis na memba bilong Haus ov Asembli i bin putim wanpela strongpela lo long ol man i no ken holim o dring bia long rot o long pablik ples.

Ating ol papa, kandre na brata i nogut, long yu go slip long rum gat

na bihain yu go kot na go kalabus o baim kot long ofis.

Mi save lukim dispela kain pasin na i no stret long ai bilong mi. Bikos planti ol brata na kandere i save go long kalabus na lusim bikpela mani long baim ofis long dispela trabel tasol.

Ating i mobeta ol papa, brata na kandere sapos yu laik dring bia, orait, yu go stret long hotel na baim bia na sindaun gut long tebol insait long hotel na pinisim laik bilong yu.

Na taim yu ting yu pulap pinis long dring bia, orait kisim wanpela teksi na i go stret long haus bilong yu na bai yu no inap long kisim trabel. Na tu lusim dispela pasin nogut long holim bia na wokabaut long rot.

Em tasol long liklik wari bilong mi. Tenkyu.

Ivada Ibona,  
Madang Taun.

## MI TOKSAVE

Dia Edita.- Nau mi laik toksave long yumi olgeta long Wantok Niuspepa olsem, yumi i mas traim wekap na senisim tingting bilong mipela, na salim ol gutpela, gutpela pas tasol i go long Wantok Niuspepa.

Soni sui,  
C.M. Torembi/E.S.D.



# NUPELA KAIN KA BILONG P. N. G.

Taim Mista Iambakey Okuk, Minista bilong Transport, i go lukluk raun long sampela kantri long Yurop na Asia em i painim wanpela samting em i ting i ken helpim tru ol hap bilong PNG we i hat tru long wokim rot na bris.

Long kantri Nepal na India na Norwe na Austria em i lukim wanpela kain ka i save hangamap long rop ain na karim pipel na kago i go i kam. Liklik wil bilong em i ran antap long rop ain, na narpela rop i pulim ka i kam.

Dispela em i gutpela pasin bilong bringim ol pipel na kago i goap long ol maunten i antap tumas. Na tu em i pasin bilong kalapim ples tais o riva we ol man i no inap wokim bris o rot.

Mista Okuk i ting long wokim sampela kain samting long Pindiu na Kabwun na Finschhafen long Morobe Distrik. Na tu long sampela ples namel long Bereina na Tapini long Sentral Distrik.

Mista Okuk i tok em i tru em i kostim planti mani liklik long sanapim namba wan taim ol mas na rop bilong dispela kain relwe. Tasol em i no save bagarap kwiktai, olsem ol rot.

Wanpela ka olsem i save karim olkain kago olsem rais na plaua na timba na kaikai na simen na kopi na kopra na tu ol pipel.



Long India wanpela ka olsem i save karim 40 tan kago olgeta aua. Na long Austria long Yurop i gat wanpela i ken karim 300 tan long wan aua.

Ol kantri ya i amamas long dispela kain pasin bilong winim ol maunten bilong ol. Na Mista Okuk i ting bai PNG tu i ken kisim gutpela skul long ol. Bai kain ka olsem i ken helpim yumi tu.



*\* Antap yumi lukim ka bilong karim pipel i go. I hangamap long rop waia na ran i go. Dispela ka bilong India.*

*\* Tupela poto daunbilo i soim ka i save karim ka go i go antap long maunten long India na Nepal.*





## MAN TRIKIM TEWEL

Wanpela man, nem bilong en Korakan, em i at bikpela ples karuka ilong em long bus tru. au long taim karuka i arim prut, i gat plan-i karuka prut bilong n tu.

Taim bilong kaikai i amap na em i go long us bilong em na em i aik katim karuka. Em i in katim sampela pinis a em i kilim tripela apul.

Em i kam bek long haus ilong em na brukim pa-awut na kukim ston na ukim karuka na mumuim apul. Taim ol i tan pi-is em i tekeweim na ok long kaikai kapul a karuka. Bel bilong em tait tru long kaikai a em i slip i stap.

Long nait tru tupela ewel i kamap long man slip. Man i opim ai si na lukluk long tu-pela tewel man na pasim ti isi na slip. Em i bin utim akis ston bilong em bipo olsem het pilo na holim handel na slip la tupela tewel i lukim em na tupela yet i tok- tok i spik: "Olaman, wanpela man i dai pi-nis."

Nau tupela i smelim naus bilong em, na man i trautilim win i kam au-sait na tewel i smelim. Vau ol i tok: "Olaman em i sting pinis ya."

Narapela em i smelim

as bilong man na man hia i slekim bel na smel i kamap long as bi-long em, em smel nogut tru. Na tewel i tok: "Aa, longtaim em i sting pinis."

Nau wantu tupela i wokim wanpela bet na putim olgeta samting bilong man na karim em i go long ples stret bilong man. Tasol wan-pela i lukim mak bilong akis bilong em na i tok olsem: "Hia, lukim, em i holim handel bilong akis!"

Narapela i tok: "Mas-ki, yu go. Yu giaman. Man i sting na em i dai pinis."

Nau tupela i karim em i kam klostu long haus bilong man na long wan-pela maunten i antap liklik long haus bilong em. Tupela tewel i pret tru, nogut, ol man i kilim tupela.

Long dispela maunten stret man hia i kisim akis isi na apim antap na givim stret long tewel i karim long lek bilong em. Na yau bi-long dispela tewel i bruk pinis.

Na tupela tewel wan-taim i ranawe nogut tru. Na tupela i tok: "Sapos wanpela man i dai long bus, larim em i sting na mitupela i no ken pren wantaim ol man."

Em tok promis bilong



tupela i opim hul long kamap long ples bilong wanpela maunten ston na mi stret. i gat bikpela hul i Simon Es, stap. Dispela samting i Wapenamanda/E.D.

## KLAP BILONG OL NIUSMAN

Ol man i skul long niusman long Yunivesiti bi-long PNG i bin kirapim pinis wanpela klap bilong ol. Ol sumatin yet i kirapim dispela klap. Man i go pas long en em, Mista John Wills Kaniku.

Ol i ting olsem ol nius i save kamap long ol redio na niuspepa, i no save kliaim gut tingting bilong ol viles pipel.

Tupela lain ol i kolim Nesenel Brotkasing Komisen (NBC), na ofis bilong Infomesen long Port Moresby, bai i sanap givim helpim long ol.

Long sampela Sarere na Sande, bai ol sumatin i go aut long ol ples na soim sampela piksa long ol pipel na toktok wantaim ol tu. Ol arapela niusman nating tu i ken joinim ol dispela lain.

Em hia ol ofisa bilong ronim dispela klap: Mista Robert Ilowo, (siaman), Mista Joshua Kalinoe, (vais siaman), Mis Olive Tau, (seketeri na tresera). Ol komiti memba: Mista Manga Bengi, Mista Solomon Joseph, Mista John Tokunai, na, Mista John Samar.



OLABOI... KUS BILONG YU I STRONG MOA YET....



HIA... KAIKAI DISPELA ASPRO TEBLET WANTAIM WARA

**Nambawan marasin bilong olgeta pen**


MICROFINED FOR RAPID ABSORPTION  
CONTENTS 25 TABLETS

**'ASPRO'**

EM NAU... PEN LONG NEK I RALS PINIS, NA YU INAP PULIM WIN ISI GEN...

# DIDIMAN KIBUNG BILONG OL SIOS

# PLANTI KAIN KA TAMB



I no longtaim ba gavman i tambuim plant kain kain ka long Papu Niugini.

Mista Iambakey Okuk Minista bilong Transpot i tok ol i painimau olsem i gat samting ol sem 488 arapela kai kain ka nau i stap insait long PNG.

I gat bikipela war long painim sampela spea pat bilong plant kain ka. Sapos i no gat spea pat, em i nupela hap bilong helpim hap i bagarap, bai ka i no keran. Em i sanap nating na i ros na mani i lus nating.

Gavman i ting mobeta yumi gat wanpela wanpela kain ka na trak, tasol i gat planti spea pat bilong ol na yumi inap baim long olgeta taun. Olsem na gavman i ting long daunim namba bilong ol planti kain

\* Poto i soim bikipela lain manmeri i stap long Martin Luther Semineri long Lae long 2 Epril long bikipela kibung tru bilong olgeta saveman bilong wok didiman bilong olgeta sios long PNG. Neks taim bai mipela ripot long en.

## **STRONGIM BUN BILONG PIKININI**




# **PENTA-VITE**

yu ken baim long olgeta stua marasin

## husat i smat moa?

Lapun fama ya wantaim hos bilong  
m tupela i bringim tupela liklik  
lram pulap long susu i go long ma-  
ret. Wanpela pusi i kalap i go an-  
ap long ka bilong ol na stilim  
susu. Tasol man i no save. Em i  
ariapim hos tasol i ran i go.

Tupela poto ya i gat 8-pela lik-  
lik samting i narakain. Inap long  
u ken painim olgeta 8-pela hia?



## OLGETA MINISTA

Michael Somare: (Het Minista)

- 39 yia; Is Sepik; Pangu

Dr. John Guise: (Wok Didiman)

- 61 yia; Milne Bay; Independen

Boyamo Sali: (Bisnis)

- 27 yia; Morobe; Pangu

Julius Chan: (Fainens)

- 35 yia; Nu Ailan; Progres

Yano Belo: (Wok)

- 34 yia; Saten Hailans; Nesenel

Donatus Mola: (Helt)

- 47 yia; Bougainville; Progres

Sir Paul Lapun: (Mains)

- 51 yia; Bougainville; Pangu

Gavera Rea: (Nesenel Developmen)

- 38 yia; Sentral; Pangu

Pita Lus: (Plis)

- 37 yia; Is Sepik; Pangu

Bruce Jephcott: (Bus, Diwai, Pis)

- 44 yia; Madang; Progres

John Poe: (Interia)

- 42 yia; Sentral; Progres

Dr. Reuben Taureka: (Edukesen)

- 44 yia; Sentral; Pangu

Sir Maori Kiki: (Difens na Tret)

- 44 yia; Gulf; Pangu

Iambakey Okuk: (Transpot)

- 32 yia; Chimbu; Nesenel

Moses Sasakila: (Kalsa)

- 31 yia; Isten Hailans; Nesenel

Ebia Olewale: (Jastis)

- 35 yia; Westen; Pangu

Thomas Kavali: (Graun)

- 30 yia; Westen Hailans; Nesenel

Kaibelt Diria: (Pos na Telegrap)

- 46 yia; Westen Hailans; Nesenel

Stephen Tago: (Konsevensen)

- 33 yia; Noten Distrik; Progres

## P.N.G. LONG SO

Sir Maori Kiki i tok bai PNG i  
insait long Manawatu So long  
ples Palmerston long Nu Silan.

Ol i ting 3,000 pipel bai kam  
lukim ol samting ol pipel bilong  
ol kantri long Nu Silan i wokim.

Papua Niugini bai soim kopi,  
ti, kakao, na olkain kaving hia.  
Bai ol i soim sampela film tu.

### Wantok...

### Yu laik go we?

### Yu laik go mekim wanem?

### Yu laik go long malolo?

### Yu laik go lukim ples

### na papamama?

### Yu laik go long pilai?

### Yu laik go long wanem

### hap tru?

### Wantok...

Yu no ken wari tumas long ol dispela  
askim. Talair I gat save tru long dispela  
samting. Larim Talair I ken helpim yu—  
na bai yumi amamas wantaim!

Sapos yu laik bosim balus bilong yu  
yet, I orait tu. Talair I gat kain kain balus  
yu ken chata. Em I chata bilong yu yet.  
Taim yu laik redi—balus bai I go. Yu  
yet ken makim taim bilong balus I ken  
I go.

Sapos yu laik go long balus long ron  
Talair I makim pinis, I orait tu—  
laik bilong yu!

I gat kain kain balus  
bilong baim-  
sampela

bilong karim faivpela man, sampela  
bilong karim nainpela na sampela  
bilong karim wanpela ten nain man.

Kam lukim mi pastaim na toksave.  
Em ol balus bilong Papua Niugini tru.  
Ol dispela balus I save go long olgeta  
ples bilong Papua Niugini, maski em I  
liklik ples o nogat. Sapos ples balus I  
stap—mi inap! opis bilong Talair I stap  
long olgeta taun bilong Papua Niugini.




TRAIM TALAIR—EM I LAIN BALUS BILONG YU NA PAPUA NIUGINI STRET

**TALAIR**   
PTY. LTD.

TSO102

# PASIN BILI STAT LO



Long de namba 21 bilong Februe go long Kainantu klostu long Goro Long toktok bilong em long bikp i bin skulim ol long laik bilong jas, na ol i mas mekim kot long p laik traिम pastaim long Kainantu.

Olsem tasol ol man i ken streti wantok yet. Ol jas tu i ken stra man i sanap olsem plisman bilong ol jas. Ol i no toktok nating. No


Sampela stori i bin kamap pinis long kot long ai bilong ol wanfam sem, long wanem i no gat planti w

*\* Long lephan Mista Michael Somar sanap toktok wantaim lain pipel l hap bilong Ankuantenu/Kainantu.*

*\* Long lephan gen Mista Ono Aia, ol i bin makim jas, i welkam long bikpela man i kamap. Em i makim man bilong ples Ankuantenu. Em i a mas long viles kot i kamap long o*

*\* Namba Wan Minista i sekan want. Mista Pao Ise, em i kamap long pa bilong tumbuna, na i givim ol sup na banara long em olsem long pren*

*\* Ol jas nau i sindaun insait lo kot bilong ol. Mista Pao Ise, ma stap namel, em yet i bin sapim dis la tumbuan bilong soim pasin tumb i kam pinis long kot.*





# VILES KOT AINANTU



an Minista, Michael Somare i bin opim namba wan viles kot. ipel i bin bungim em, Mista Somare ong makim ol lapun bilong ples i long taim bilong ol tumbuna. Ol i

na trabel long ples namel long ol mekim rong. Na tu i gat sampela no gat man i ken sakim tok bilong gat pawa tru. long ples ol i sem tru long sanap tok. Long ol biktaun ol i no save ve long ol na rong bilong ol.

an i kamdaun na olsem ol bikpela i bung insait long Luteran Haus i long ples Onampinka.

ong raithan yumi lukim D. C. bi- y Goroka, Mista Bernard Borok, i im wanpela tok na narapela man i im long tok ples. Klostu long Mis- Somare yumi lukim Moses Sasakila, Abal (Lida bilong oposisen), na followay (spika bilong Haus).

n hia lain ofisa bilong kot. Ol i laun, em ol plisman bilong kot. bilong ol (kirap long lephan): ta Iyua, Pransi Utaoh, Soioru Gesa, ob Marenapo, Sabarake Amative. l man i sanap em ol jas: Ono Aia, anki Aburse, Ahevo Inkeu, Pao Ise, lno Nao, Iyae Ponamena, Yabao Jaroi.






\* Hia yumi lukim Mista W.P. Johnston, Moi Avei, John Haugie, John Kasaipwalova, Ricky Wyatt, na Moses Mari. Ol i sanap ausait long haus tambaran bilong Angoram. Moi Avei i holim wanpela kaving.

# Wok long ol Kalsa Sent

Long mun i go pinis, siaman bilong Nesanel Kalsural Kaunsil bilong PNG, Mista Moi Avei i bin makim Mista Geoffrey Mosuwadoga, bilong ples Teyava long Trobriand Ailan, olsem nupela direkta bilong PNG Pablik Misium, long Port Moresby. Em i bin kisim skul bilong em long Sogeri Sinia Haiskul. Geoffrey Mosuwadoga i kisim ples bilong man i stap direkta bipo, Mista Dirk Smidt. Em bai i stap namba tu bilong nupela direkta.

Mista Mosuwadoga i bin i go skul inap 3-pela yia long Melbourne Insitut Teknoloji, we em i bin kisim diploma long Fain Ats. Long las yia em i bin i go lukim ol sampela bikpela misium wantaim Dirk Smidt long Amerika. Na tu em




Mista G. Mosuwadoga

i bin i go tu long Hamilton, long Kanada, na Geoffrey i bin tokto wantaim ol sampela si veman long kalsa wok.

Nupela direkta ya tok olsem, long 3-pela yia bilong makim Independentens De, bai ol mekim wanpela kain bilong olkain kavin bilong bipo ol i kolibri Displei, long Waigara Krietiv Ats Senta.

## Nambawan marasin bilong olgeta pen.



infomesen dipatmen gat

# NUPELA NIUS SEVIS

Dipatmen bilong Info-esen bilong PNG i bin tatim wanpela nupela amting: em nius sevis ilong PNG stret.

Olgeta moningtaim long 1 klok nius bilong PNG ai goaut long wanpela asin ol i kolim teleks stap long Konedobu.

Kain masin ya i luk lsem wanpela lektrik aipraitia. Tasol em i arakain. Sapos ol i aitim sampela tok long asin long Port Moresby ai olgeta teleks i tap long arapela kantri na i bung wantaim asin bilong mipela i en kisim dispela tok.

Olsem tasol ol i ken

kisim nius stret na tu kwiktaim i kam long PNG. Pastaim Australia, Nu Silan, na Fiji bai kisim nius olgeta de. Bihain bai teleks i bungim tu Amerika, Japan, na Indonesia.

Gavman i no laik ol sampela ripota bilong sampela niuspepa i save krungutim nius ol i kisim insait long PNG. Nau nius i kam stret long gavman yet.

Wanpela hetman bilong dispela samtang em Mista Ray Goodey, em i nambawan eidta bilong WANTOK taim em i stat long yia 1970. Em i man bilong Nu Silan.



\* Mista S. Gorla, wanpela dairekta bilong komiti bilong bosim ol pak long PNG, i stap toktok hia insait long kantri Nu Silan

## NUPELA LOKAL KAMPANI

Dipatmen bilong Bisnis Developmen wantaim developmen Beng i bin helpim wanpela patnasip kampani "Sepik Haiwe Transpot" long baim 10-pela tipa trak.

Kos bilong ol dispela pa trak i \$100,000 ola. Wok bilong dispela kampani i bilong kisim kontrak long PWD long karim karanas biing wokim rot.

Em hia ol man i gos long dispela kampaani: Mista Labu Yawimberi, Mista John Nawara, Mista Samuel Donigi, na Mista Kaspar Moriga.

Dipatmen bilong Bisnis Developmen bai i gos long helpim dispela kampani long kamap gut.

Poto long raithan i bin ol dairekta bilong Sepik Haiwe Transpot. Irap long lephan na yu en lukim:

John Nawara, Muriga Casar, Donigi Samuel, na abu Yawimberi.







## OKAL BISNIS GO HET GUT

Man i bin i stap Mista bilong Bisnis bi-  
sta bilong Bisnis bi-  
, Mista Ebia Olewale,  
tok ol bisnis bilong  
famili long Gulf Dis-  
tik i kamap bikpela  
a. Em long wanem, ol  
gat ol bisnis ka nau.  
Lei Oauke Grup bilong  
varu viles oltaim i  
ve bringim kaikai i  
um long Kerema Haiskul  
mekim wok sip long  
up nambis bilong Kaipi.  
Long mekim dispela  
k, grup hia i bin baim  
mpela bikpela trak i  
ostim moa olsem K5,000.  
ispela PMV bisnis ka  
la bai i wok namel  
ong Koaru, Kerema, Ma-  
alaua na Lelefiru.  
Mista Olewale i tok  
i olsem wanpela man  
ilong Bisnis Develop-  
en long Madang, Mista  
en Somai, i bin kisim  
ontrak long wokim wan-  
ela stua long Para Me-  
ikel Koles. Na kos bi-  
ong dispela stua i ol-  
em K8,000 kina olgeta.

### kisim kontrak

Mista Yano Belo, Mi-  
ista bilong Wok, i tok  
ista Vincent Kinakap  
ilong Kimbe i bin win-  
m kontrak long K62,917  
ong kirapim wok bilong  
okim ol haus long Hos-  
ins De Haiskul.

Mista Belo i tok tu  
lsem, Mista Kinakap i  
in mekim gutpela wok  
ong wokim ol haus na  
ol liklik wok bisnis na  
u long ol liklik wok-  
sap long Kimbe yet.

Hebou Konstraksen i  
bin kisim kontrak long  
K50,040 long bringim  
ol ston, wesana na kara-  
nas, na tu long putim  
colta na ol sain long  
rot bilong Sogeri. Na  
dispela kontrak bai  
kostim inap K79,300 ol-  
geta long mekim dispela  
rot long kamap gut moa.

# LAPUN MERI PAPUA I WIN MOA

Wanpela meri i gat 76 krismas  
i tok ol meri i gat bikpela wok  
bilong stiaim kantri. Lapun meri  
ya em Misis Stephanie Maino bi-  
long Aipeana viles long Bereina  
Sab Distrik.

Misis Maino em i wanpela wok-  
meri bilong welfe na tu em i ma-  
ma bilong 2-pela pikinini, na em  
i tumbuna bilong 10-pela arapela  
pikinini. Em i olsem namba wan  
tumbuna mama bilong 5-pela ara-  
pela pikinini tu wantaim. Em i  
tok ol pasin bilong tumbuna i no  
inap long lus sapos ol olupela  
pipel i stap.

Misis Maino i tok em i amamas  
tru long wok wantaim ol yangpela  
pipel long wokim mat, bilum na  
purpur samting. I tru olsem ol  
olpela pipel i gat liklik buk-  
save. Tasol ol inap long wokim o  
kamapim gutpela samting long sa-  
ve ol i gat bilong pasin tumbuna.

Long mun Mas Misis Maino wan-  
taim 8-pela arapela meri i putim  
wanpela kain pilai o so long ol  
samting bilong tumbuna na danis  
long soim olsem PNG em i wanpela  
nesen tasol.


Long Epril 1, ol i mekim dis-  
pela pilai insait long ofis bi-  
long gavman long Waigani. Na long  
Epril 3, ol i mekim long wanpela  
skulrum bilong Yunivesiti.

Ol i redim pinis ol bilas bi-  
long putim long het. Na i gat  
planti pasin bilong wokim purpur.  
Ol meri bilong Mekeo i save put-  
im ol purpur i go inap long skru  
bilong ol, na sampela i save put-  
im i go daun inap long fut stret.

Misis Maino i tok ol purpur i  
gat naispela kala long en i bi-  
long putim long taime bilong bik-  
pela so. Na tu ol yangpela i put-  
im wanpela kain na ol olupela me-  
ri i save putim purpur i gat na-  
rakain kala.

Misis Maino i tok tu olsem, em  
i bilong Papua, tasol em i no i-  
nap long helpim "Papua Besena".  
Em i tok Papua na Niugini i mas  
bung wantaim long mekim kantri i  
kamap strong na i go het gut.


Misis Maino bai mekim wanpela  
bikpela kaikai long de bilong  
independens long haus bilong em.  
Na em i laikim bai Mista Michael  
Somare na olgeta arapela minista  
long i kam long dispela pati.



Misis Stephanie Maino



Em hia tupela meri Papua i redi  
long danis na singsing wantaim Mi-  
sis Maino bilong soim ol pasin na  
bilas bilong ol tumbuna.





## Maramatana kaunsil ripot

Maramatana Lokal Gavman Kaunsil i stat long 63 na i stap namelng Alotau na Raba Raba ng Noten Distrik bing Papua.

Dispela kaunsil i save sim moa olsem 5000 pel.

Maramatana Kaunsil i mba wan tru long baim mpela plantasin. Em i im wanpela i gat 600 a graun na i kostim 5,000, tasol nau kaun- li i save winim K10,000 ofitmani olgeta yia ng en.

Em i bosim tu ples alus bilong Garuahi.

Ol pipel bilong dispela kaunsil eria i save winim mani long wok opra. Nau tasol wan an i bin stat wok wan- aim ol bulmakau.

Na ol 36 lokal tret tua bilong Koprativ So- aiti i ran gut tru.

Lokal Gavman Kaunsil ia i gat wailes bilong m stret na olsem em i en tok wantaim het- ota long Alotau na tu ol stuaman i ken odaim alkain samting long ol vikstua bilong Samarai.

Kaunsil tu i gat 16 aka i karamap long ol vati tri.

Helt Senta bilong en ol man bilong Engliken bios i save lukautim.

(Mipela i tenkyu tru

long Mark Casmir, ofisa bilong dispela kaunsil, long dispela ripot.)

## Lavongai kaunsil pinistaim

Gavman i orait long laik bilong ol pipel bilong ples Lavongai long Nu Ailan Distrik long pinisim wok bilong kaunsil Bilong ol.

Ol i tok kaunsil bi- long olino save helpim go het bilong ol. Tutu- kuvul Isukul Asosiesen bilong ol i bin kirapim dispela tok long yia 1972 yet.

Mista Boyamo Sali, taim em i bosim ol Lo- kal Gavman Kaunsil yet, i bin kam toktok wantaim ol dispela pipel na em i bin painimaut ting bilong ol pipel i olsem tasol.

Long 18 Epril ol i bin pinisim wok bilong Lavongai Kaunsil.

Man i stretim ol bis- nis bilong en, em Mista Lindsay Tofoambu, em i namba tu Distrik Komi- sina long Kavieng.

Klostu olgeta pipel i stap bipo long Lavongai Kaunsil bai go insait long nupela Mattas Lokal Gavman Kaunsil.

## Duau redi nau

Dispela kaunsil i wok moa long helpim ol pi- pel bilong en. Mista Dickson Hango, presiden bilong em i bin ripot olsem.

Ilimo Kaunsil i bin wokim ol rot na bris na ples balus, na skul na haus bilong ol tisa. Ta- sol em tu i bin putim ol tang wara long planti ples na tu sampela masin bilong rausim skin bi- long kopi. Long ol ara- pela ples em i bin tait- im mambu ain bilong

bringim wara i kam kamap long ples.

Ol 20 tang wara ya i kostim inap K4000.

Nau wara i kamap stret long ples na ol meri i no mas wokabaut longwe inap long riva long kis- im. Na long ples Savaia kaunsil i putim mambu i kamap stret long ples na i gat tep long en.

Sevenpela masin bilong rausim skin bilong kopi i kostim K770.

Ol plama bilong Ilimo Kaunsil yet i sanapim ol tang na sodaim ol mambu ain.

## Ol Enga kaunsil laik kisim Wantok

Eria Autoriti bilong Enga Distrik long Wabag wantaim samting olsem 10-pela lokal gavman kaunsil bilong en i laik bai Wantok nius i kamap long ol long tok ples bilong ol yet, em Enga. Enga i winim ol- geta arapela tok ples bilong Papua Niugini. I gat 180,000 spika.

Luteran Misin long Wabagi bin makim 3-pela edita bilong mekim dis- pela ol pes bilong nius i kam long tok Enga.

Pastaim ol i laik bai mipela prinim 1,000 pe- pa na salim i kam long distrik bilong ol.

## Eria autoriti bilong Goroka tu laikim Wantok

Nau mipela i stretim tok wantaim eria auto- riti bilong Goroka long salim 5,000 WANTOK nius i go long ol. Ating bai ol i laik tilim long ol lokal gavman kaunsil na olsem tasol givim save long ol long olkain sam- ting bilong kantri.

Save bilong ol pipel insait long ples bilong Is Sepik Distrik i go het gut bikos ol i save kisim WANTOK niuspepa. Mista Michael Somare yet i bin tok olsem na em i amamas long gutpela wok WANTOK i mekim.

## Ilimo kaunsil

Ol pipel bilong Duau Lokal Gavman Kaunsil i stap long Normanby Ai- lan long Esa'ala Sab- Distrik i redim tupela ples bilong mekim ol danis na so long taim independens bai kamap. Tupela ples ya: Sehulea na Sewa Be.

Ol i wokim sampela haus slip pinis bai ol inap stap long taim lik- lik long taim bilong independens.

Ol i gat komiti i gat 8-pela man long en.

## BAIM WANTOK

Sapos yu wanpela yu laik kisim WANTOK i kam long yu stret, orait yu salim dispela tiket i kam:

Mi laik kisim WANTOK niuspepa inap wan yia olgeta. Nau mi salim K4 (\$4.00) i kam;

Nem: .....


Adres: .....

Salim i kam long:

WANTOK - P.O. BOX 396 - WEWAK


Kina na Toea bai i  
wanmak olsem Dola  
na Sen o nogat?

YES, tupela  
wantaim bai  
wanmak tru!



Wanem taim bai  
nupela mani Kamap?


Long 19 Epril bai  
Papua Niugini stat long  
yusim mani bilong  
em stret.



Olsem Wanem bai yumi ken  
senisim olpela mani (Dola  
na Sen) long kisim nupela  
mani - em kina na Toea?

TELLER NO 1

SAVING



Sapos yu go long  
BENG i stap klostu  
long yu, bihain long  
19 Epril, bai ol i givim  
kina na Toea long ples  
bilong Dola na Sen!

Yumi inap yusim Dola  
na Sen bihain long  
19 Epril o nogat?

YES. Long 19 Epril inap 31 Desemba yu  
ken yusim olpela mani na nupela mani ta.  
Dispela em i taim bilong TUPELA KAIN MANI.

